

Ekamejkiki Riit Jeje ko Rekwojarjar



KOMIELE KO JÄN HECTOR BORLASCA

Jän Lucy Stevenson Ewell
(Pedped ioon juon bwebwenato emool)

Bwebwenato in ekar bök jikin ilo Norway.

Elvira eaar ruj jän ainikien jemän. Ekar ba, "iien nän jeje ko rekwojarjar."

Eaar jijöt ilo kineen im jibwe mejen emejki. Ekar marok wöt naböj. Im eaar mōļoļ! Elvira eaar jab kōņaan etal jän kineen.

Māma eaar ba riiti jeje ko rekwojarjar ej wāween eo nän jeļāļok kōn Jisōs. Ak riit jeje ko rekwojarjar aolep jibboņ epen!

Elvira eaar jidik jidik etalļok nän jikin uwe eo im jijöt turin leddik eo jein, Sigrid, ioon kauj eo. Ekar atbakwoje pet eo im bakwoj kooj eo kojen. Būratōr ro an rekar pād ilo ruumj eo juon ilo aer jinoe kūlaaj in jemenere eo aer online.

Ekar riin telephone eo an Baba. Eaar uwaak, im jet ro uwaan baamļe eo rekar waļok ilo mejen cell eo. Māma Liv eaar pojak nän jermal. Eo rilikier, Dorthea, eaar nuknuk in kiki wöt, āinwöt Elvira.

Elvira eaar jaal er ilo video call eo im mabōļļa. Aolep raar kōmņane iien jeje ko rekwojarjar ippān māma Liv im Dorthea. Rej jokwe ilo bar juon jikin ilo Norway emān awa etoļok. Epidodo nän aolepeer nän riiti jeje ko rekwojarjar ne ej wōr aer kōttōpar in call e doon aolep raan. Ak Elvira eaar kōņaan lo eo riilikin.

Jejjō minit tokālik, Māma eaar kobatok ilo call eo. "Iakwe, leddik ro!" ekar ba. Eaar emakūtūt ikijeen jkin jermal ilo wiik in, bōtaab eaar baj wöt call nän iien jeje ko rekwojarjar an baamļe.

Rekar jar. Innām Elvira eaar kōpeļļok jeje ko an rekwojarjar. Rekar riiti Bok in Mormon ippān doon. Aolep raar kajjojo riiti eon ko.

Elvira eaar roņjake an ro jet riit, ak elukkun pen nän mejen ruj. Sigrid eaar kikiļok ioon kauj eo. Elvira eaar arbwiji. Innām juon men ilo eon eo eaar kauriji.

"Im iaar lo juon aen in dāpdep, im eaar erļokļok itōrerein reba eo, im ļok nän wōjke eo ijo iaar jutak," Dorthea eaar riiti.*

"Ijeļā kōn bwebwenato in!" Elvira eaar ba. "Ettōņak eo an Liai." Eaar loe juon pija kōn menin. Ekar wōr juon wōjke eaibojooj kōn le

ko leen remouj, im armej ro raar jibwe aen in dāpdep eo nän jipaņ er tōpar e.

"Kwoj ke keememej āinwöt ta aen in dāpdep eo?" māma eaar kajjitōk.

"Jeje ko rekwojarjar?"

"Ejimwe!" Jema ekar ba: "Nipai eaar kwaļok tokālik ke aen in dāpdep eo ej āinwöt naan in Anij. Ekōjkan amj ļōmņak jemaroņ dāpdep ilo aen in dāpdep eo āinwöt armej ro ilo etōņak eo an Liai?"

"Jej dāpij aen in dāpdep eo kiiō!" Elvira eaar kotak Bok in Mormon eo an. "Jän an wōr iien jeje ko rekwojarjar."

Jinō ekar emajidjid. "Ne jej riiti jeje ko rekwojarjar, jej epaakeļok Jisōs Kraist. Āinwöt an kar armej ro kar epaakeļok wōjke in mour eo ke raar dāpij aen in dāpdep eo."

Ke raar riitļok wöt, Elvira eaar kōļmenļokņeņ an make jibwe ļok aen in dāpdep eo im etetalļok nän wōjke aibojooj eo. Eaar jab eņjake an mejki kiiō.

Ejjab to ekar iien emņakūt. Māma Liv im Māma raar aikuj in etal nän jermal. Im Elvira, Sigrid, im Dorthea raar aikuj in kōbojak nän jikuuļ.

"Lo komj, aolep!" Elvira eaar jaale baamļe eo an ilo mejen cell eo. "Ij iakwe eok!"

Ke ej ettōr lallōk nän kōbojak nän jikuuļ, Elvira eaar eņjake mōņōņō. Im ejjab kōnke kōn kooj eo an. Eaar jeļā ke mōņōņō in eņjake eo ekar Jetōb Kwojarjar ba nän e ke Bok in Mormon emool. Ekar juon wāween emņan nän ijino raan eo! ●

*1 Nipai 8:19



Jekdoon ne elukkuun jibboņ, Elvira eaar jeļā bwe riiti jeje ko rekwojarjar eļap tokjen.